

मीठे रस सूं भर्योड़ी राधा रानी लागे

मीठे रस सूं भर्योड़ी राधा रानी लागे, राधा रानी लागे ।
म्हाने कारो-कारो जमुनाजी को पानी लागे ॥ टेरे ॥
जमुनाजी तो कारी-कारी, राधा गोरी गोरी ।
वृन्दावन में धूम मचावे, बरसाने की छोरी ।
बृजधाम राधाजू की रजधानी लागे ॥

म्हाने कारो कारो.....

कान्हा नित मुरली में टेरे, सुमिरे बारम्बार ।
कोटिन्ह रूप धरै मनमोहन, कोई न पावे पार ।
रूप-रंग की छबीली, पटरानी लागे ॥

म्हाने कारो कारो.....

ना भावे म्हनै माखन मिसरी, अब ना कोई मिठाई ।
म्हारी जीभडलियाँ ने भावे अबतो, राधा नाम मलाई ।
वृषभानु की लली तो गुड़ धानी लागे ॥

म्हाने कारो कारो.....

राधा-राधा नाम रटत है जो नर आठों याम ।
इनकी बाधा दूर करत है राधा-राधा नाम ।
राधा नाम में सफल जिन्दगानी लागे ॥

म्हाने कारो कारो.....

जमुनाजी रे किनारे, मोहन बंसी मधुर बजाई ।
बंसी की धुन सुनकर गोपी दौड़ी आई ।
राधा नाम के आगे जग सारो खारो लागे ॥

म्हाने कारो कारो.....

धीने धीने ने मना, धीने अब कुछ खेय ।
माली अँचे औ घड़ा, ऋतु आए फल खेय ॥